

ჩოხატაურის მუნიციპალიტეტის 2025-2028 წლების პრიორიტეტების
დოკუმენტისა და საშუალოვადიანი სამოქმედო გეგმის
მომზადება-განახლების საკითხებზე მომუშავე
სამუშაო ჯგუფის სხდომის

ჩოხატაურის მუნიციპალიტეტის 2025-2028 წლის პრიორიტეტების დოკუმენტის მოზადების
თაობაზე
ოქმი N 2

ქ. ჩოხატაური

14 აგვისტო 2024

წ.

მისამართი წერეთლის ქ. N2

2024 წლის 14 აგვისტოს ჩატარდა, ჩოხატაურის მუნიციპალიტეტის 2025-2028 წლების პრიორიტეტების დოკუმენტისა და საშუალოვადიანი სამოქმედო გეგმის მომზადება-განახლებისა და 2025 წლის ბიუჯეტის მომზადების საკითხებზე მომუშავე სამუშაო ჯგუფის სხდომა, რომელსაც ესწრებოდნენ: ა) სამუშაო ჯგუფის თანათავმჯდომარე ჩოხატაურის მუნიციპალიტეტის მერის პირველი მოადგილე მაია კუტუბიძე ბ) სამუშაო ჯგუფის წევრები: მაია გოგოლაძე - საფინანსო - საბიუჯეტო სამსახურის უფროსი, ზაზა ოსეფაიშვილი - საფინანსო - საბიუჯეტო სამსახურის საბიუჯეტო განყოფილების უფროსი, ბექა სირაძე - საფინანსო - საბიუჯეტო სამსახურის საბიუჯეტო განყოფილების პირველი კატეგორიის უფროსი სპეციალისტი, თეა უჯმაჯურიძე - ადმინისტრაციული სამსახურის უფროსი, ვლადიმერ გოგიბერიძე - მუნიციპალური შესყიდვების სამსახურის უფროსი, გია გიორგაძე - ეკონომიკისა და ქონების მართვის სამსახურის უფროსი, დავით თოდრია - არქიტექტურის, სივრცითი მოწყობის და ინფრასტრუქტურის სამსახურის უფროსი, ირაკლი ახოზაძე - ზედამხედველობის სამსახურის უფროსი, ნიკოლოზ დუმბაძე - სოციალური და ჯანდაცვის სამსახურის უფროსი, თეა მამალაძე - განათლების კულტურის და სპორტის სამსახურის უფროსი, ალექო კვინტრაძე - სამოქალაქო მრჩეველთა საბჭოს წარმომადგენელი, მაია პაიჭაძე მერიაში გენდერზე პასუხისმგებელი პირი.

სხდომას უძღვებოდა:

მაია გოგოლაძე
ჩოხატაურის მუნიციპალიტეტის მერიის საფინანსო-საბიუჯეტო სამსახურის უფროსი.

განსახილველი საკითხი:

ჩოხატაურის მუნიციპალიტეტის 2025-2028 წლების პრიორიტეტების დოკუმენტის და ასიგნებების ზღვრული მოცულობების დადგენა: სამუშაო ჯგუფის მიერ მომზადებული პრიორიტეტების საშუალოვადიანი დოკუმენტის პირველადი ვარიანტი, რომლითაც განსაზღვრულია პრიორიტეტების 2025-2028 წლების ასიგნებების ზღვრული მოცულობები (ჭერები).

მოხსენება:

ჩოხატაურის მუნიციპალიტეტის მერიის საფინანსო-საბიუჯეტო სამსახურის უფროსის მაია გოგოლაძის მოხსენება - რომელმაც აღნიშნა, რომ ჩოხატაურის მუნიციპალიტეტის მერის 2023 წლის 1 მარტის №46. 46240612 ბრძანებაში ცვლილების შეტანის შესახებ ჩოხატაურის მუნიციპალიტეტის 2024 წლის 17 ივნისის №46.46241692 ბრძანებით ჩოხატაურის მუნიციპალიტეტის მერიაში შეიქმნა ჩოხატაურის მუნიციპალიტეტის 2025-2028 წლების პრიორიტეტების დოკუმენტისა და საშუალოვადიანი სამოქმედო გეგმის მომზადება-განახლების საკითხებზე მომუშავე სამუშაო ჯგუფი.

სხდომის წევრის მაია გოგოლაძის მოხსენება - რომელმაც სამუშაო ჯგუფის წევრებს გააცნო „პროგრამული ბიუჯეტის შედგენის მეთოდოლოგიის დამტკიცების თაობაზე“ საქართველოს ფინანსთა მინისტრის 2011 წლის 8 ივლისის #385 ბრძანებით განსაზღვრული წესის შესაბამისად 2025-2028 წ. საპროგნოზო მონაცემების შესახებ ინფორმაცია და წარმოადგინა მუნიციპალიტეტის 2025-2028 წლების პრიორიტეტების დოკუმენტის პირველადი ვარიანტი.

საფინანსო სამსახურის მიერ შემუშავებული იქნა მუნიციპალიტეტის 2025-2028 წლების პრიორიტეტების დოკუმენტის პირველადი ვარიანტი. დოკუმენტში სხვა ინფორმაციასთან ერთად განსაზღვრულია 2025-2028 წლებში ბიუჯეტიდან დაფინანსებულ პრიორიტეტებზე და ძირითად პროგრამებზე ასიგნებების ზღვრული მოცულობები.

აღინიშნა, რომ დამატებითი ფინანსური რესურსების მოხიზვების შემთხვევაში, შემდგომში შესაძლებელი იქნება გადაიხედოს 2025-2028 წლების პრიორიტეტების და პროგრამების ასიგნებების ზღვრული მოცულობები.

ჩოხატაურის მუნიციპალიტეტის მერიის საფინანსო-საბიუჯეტო სამსახურის უფროსმა მოუწოდა ჯგუფის წევრებს შესასრულებელ სამუშაოებთან დაკავშირებით თავიანთი პოზიციების და წინადადებების დაფიქსირება.

სამუშაო ჯგუფის თავმჯდომარემ, სთხოვა სამუშაო ჯგუფის წევრებს კენჭი ეყარათ, თუ ვინ არის მომხრე, მოწონებული იქნეს სამუშაო ჯგუფის მიერ მომზადებული პრიორიტეტების საშუალოვადიანი დოკუმენტის პირველადი ვარიანტი, რომლითაც განსაზღვრულია პრიორიტეტების 2025-2028 წლების ასიგნებების ზღვრული მოცულობები.

კენჭის ყრის შედეგად ხმათა აბსოლუტური უმრავლესობით სამუშაო ჯგუფმა გადაწყვიტა: მოწონებული იქნეს ჩოხატაურის მუნიციპალიტეტის პრიორიტეტები და პროგრამები საშუალოვადიან პერიოდში და ეთხოვოს საფინანსო-საბიუჯეტო სამსახურს საბიუჯეტო პროცესის შემდგომი წარმართვის მიზნით:

- ჩოხატაურის მუნიციპალიტეტის 2025-2028 წლების პრიორიტეტების დოკუმენტის პირველადი ვარიანტის მოწონების შემდგომ საფინანსო სამსახურმა პროგრამების განმახორციელებელ დარგობრივ სამსახურებს, ა(ა)იპ-ებს და შპს-ებს გაუგზავნოს საბიუჯეტო განაცხადის ფორმები.
- მიმდინარე წლის 15 სექტემბრამდე პროგრამების განმახორციელებელმა შესაბამისმა დარგობრივმა სამსახურებმა, ა(ა)იპ-ებმა და შპს-ებმა, საფინანსო სამსახურს საბიუჯეტო განაცხადის შევსებული ფორმები წარუდგინონ მუნიციპალიტეტის 2022-2025 წლების პრიორიტეტების დოკუმენტის პირველადი ვარიანტით დადგენილი ასიგნებების ზღვრული მოცულობების ფარგლებში. ამასთან, ზღვრული მოცულობის ზემოთ ასიგნებები შესაძლებელია წარმოდგენილი იქნას საბიუჯეტო განაცხადის ფორმით

განსაზღვრული წესის შესაბამისად, კერძოდ, მოთხოვნილი გაზრდილი დაფინანსება დასაბუთებული უნდა იქნას პროგრამის ინდიკატორის გაზრდილი სამიზნე მაჩვენებლით.

დღის წესრიგით გათვალისწინებული საკითხის განხილვის შემდეგ ჩოხატაურის მუნიციპალიტეტის 2025-2028 წლის პრიორიტეტების დოკუმენტის მოზადების სამუშაო ჯგუფის სხდომა დახურულად გამოაცხადა.

დასაწყისი: 12 სთ. - დასასრული: 14 სთ.

მაია კუტუბიძე
სამუშაო ჯგუფის თანათავმჯდომარე -
ჩოხატაურის მუნიციპალიტეტის მერის
პირველი მოადგილე,

(შვებულება)

მინდია ჟღერია
ჩოხატაურის მუნიციპალიტეტის
მერის მოადგილე



მაია გოგოლაძე
ჩოხატაურის მუნიციპალიტეტის მერიის
საფინანსო-საბიუჯეტო სამსახურის უფროსი

და ა.შ. კომისის წევრები

